

亦不住亦不言是我所內外空至有無空亦
不見亦不入亦不生亦不住亦不言是我所
世尊菩薩行般若波羅蜜至三十七品佛十
八法亦不見亦不入亦不生亦不住亦不言
是我所諸三昧門陀隣尼門亦不見亦不入
亦不生亦不住亦不言是我所何以故菩薩

行般若波羅蜜亦不見色乃至薩云若亦無
所見世尊不生色者為非色亦不生痛想行
識者為非識不生六衰者為非六衰不生六
波羅蜜者為非六波羅蜜六波羅蜜至無所
生一法無二不生內外空為非空不生有無
空為非空有無空及無所生一法耳無二世
尊三十七品不生為非三十七品佛十八法
不生為非十八法無所生及佛十八法一法
無二世尊無所生一法耳亦非二亦非三亦
非四亦不五亦不若干數是故佛法無所生
法一法無二世尊如及不思議性不生者為
非如為非不思議性不生道者為非道不生

薩云若者為非薩云若無所生薩云若一法
無二世尊無所生亦不一無有若干數是故
不生薩云若者為非薩云若滅色者為非色
滅色者是一法無有二世尊滅者一無有二
是故滅色者為非色滅痛想行識者為非識
是故生識者為非識內空外空至有無空及三

十七品佛十八法亦如是世尊是為滅非若干
也從識至薩云若亦如是是為行般若波羅蜜
放光般若波羅蜜經卷第七 沈茂敬書

當院僧

善成

謹將舍田花利刊造 放光般若波羅蜜經第七卷功德報答

四恩三有法界眾生同成種智者

淳祐三年閏八月

日僧

義成

謹題

都勤緣檀越成忠郎趙

生園

放光摩訶般若波羅蜜經卷第八 菜八

西晉三藏無羅叉共竺叔蘭譯

問觀品第二十七

舍利弗問須菩提言菩薩摩訶薩云何行般
若波羅蜜而觀諸法何等為菩薩何等為般
若波羅蜜何等為觀尊者須菩提語舍利弗

言如所問何等為菩薩菩薩者為道士也故名為菩薩以道故知諸法事而無所入問曰知何等諸法事答曰知色事不入色知痛想行識事不入識盡知佛十八法事不入十八法舍利弗問何等為諸法事須菩提言所可名者諸法之貌色聲香味細滑法內法外法有為無為法像貌所可名者是為諸法事也舍利弗所問何等為般若波羅蜜般若波羅蜜者名為遠離問曰何以故名為遠離須菩提言遠離五陰遠離十八性遠離六衰遠離檀波羅蜜至禪波羅蜜遠離內外空至有無空遠離三十七品至十八法是名為遠離遠離薩云若遠離薩云若事尊者舍利弗是故名為遠離般若波羅蜜舍利弗所問何等為觀行般若波羅蜜菩薩亦不觀五陰有常無常亦不觀五陰苦樂亦不觀五陰有我非我亦不空亦非不空亦不相亦非不相亦不願亦非不願亦不滅亦非不滅亦不寂亦非不

寂亦不作是觀至六波羅蜜從內外空至有無空及佛十八法亦復如是諸三昧門陀隣尼門至薩云若乃至滅不滅亦不作有常無常觀舍利弗行般若波羅蜜菩薩當作是觀舍利弗問尊者須菩提何以故賢者作是言五陰無所生為非五陰乃至薩云若無所生為非薩云若須菩提報言五陰空空非五陰是故五陰無所生為非五陰六波羅蜜空空亦非六波羅蜜亦非生是故六波羅蜜無所生為非六波羅蜜從內外空至有無空亦復如是從三十七品至佛十八法亦復如是薩云若亦復亦以是故五陰無所生為非五陰五陰亦非生乃至薩云若亦無所生舍利弗問須菩提何以故言五陰不二為非五陰乃至薩云若不二為非薩云若須菩提報言五陰不二亦不合亦不散亦無有形不可見一相一相者則無相薩云若亦如是以是故五陰無有二不為五陰薩云若無有二不為薩

菜
放光

二

云若舍利弗問何以故五陰無有二為作數乃至薩云若無有二為作數耶須菩提言無所生及五陰無有二五陰則是無所生無所生則是五陰以是故五陰無有二為作數耳乃至薩云若亦無有二為作數耳須菩提白佛言菩薩學般若波羅蜜觀是法時見五陰

無所生常淨故見吾我亦無所生常淨故見檀波羅蜜至般若波羅蜜亦無所生常淨故見內外空至有無空亦無所生常淨故見三十七品佛十八法亦無所生常淨故見諸陀隣尼三昧門亦無所生常淨故見薩云若無所從生常淨故見凡人凡人法亦無所生常

淨故見須陀洹須陀洹法斯陀含斯陀含法阿那含阿那含法阿羅漢阿羅漢法辟支佛辟支佛法見菩薩菩薩法見佛佛法皆無所生常淨故舍利弗問如來從須菩提所聞五陰為無所生乃至道亦無所生佛法亦無所生亦無所逮得須陀洹至阿羅漢辟支佛亦

復不逮菩薩亦無所逮得薩云若亦無所逮得菩薩摩訶薩無所逮得薩云若者為壞五趣是為菩薩不於五趣中得道舍利弗言若使諸法無所生云何須陀洹三應滅而念成道斯陀含三垢薄而念成道阿那含五應滅而念成道阿羅漢滅上五所得辟支佛以因

放光

三

緣覺故而念成道何以故菩薩作勤苦行代眾生受勤苦為何等故如來無所著得等正覺轉法輪平須菩提言舍利弗我亦不使無所生法有所逮得我亦不使無所生得須陀洹道斯陀含阿那含阿羅漢辟支佛道我亦不使菩薩有勤苦行菩薩行亦無有勤苦想舍利弗菩薩亦不覺苦想何以故舍利弗不可從覺苦想能為不可計阿僧祇眾生作本菩薩於眾生如父想如母想如子想如身想亦無所有菩薩於內外法當作是想當作是念所言我及一切眾生亦不有亦不可見於內外法當作是念作是想念不起勤苦想何

以故一切無所有故世尊於無所生非我所
能令得如來阿惟三佛亦無所生如來不從
無所生逮轉法輪舍利弗問尊者須菩提言
欲使從無所生逮得欲使從有所生逮得須
菩提言我亦不使從無所生逮得亦復不使
從有所生逮得舍利弗言如所言為無所逮

無所得耶須菩提言有所逮有所得不以二
世俗之事有逮有得但以世事故有須陀洹
斯陀含阿那含阿羅漢辟支佛有佛欲論最
第一者無有逮無有得從須陀洹上至佛亦
無逮亦無得云何須菩提但以世事故有逮
有得壞五趣者亦復如是耶須菩提言以世

俗事故有逮有得以世俗事故有五趣教何
以故舍利弗最第一法無有生死無有喜惡
之報亦無斷亦無著舍利弗言云何須菩提
無所生有所生耶有所生有所生手須菩提
報言我亦不使無所生有所生亦不使有所
生有所生也舍利弗言為欲使何所無所生

法有所生須菩提言我不令五陰有無空有
所生乃至道有無空亦不令無所生舍利弗
言不生為生耶生為生于須菩提言生亦不
生不生亦不生何以故諸可有所生無所生
一耳亦不別亦無形不可見不可得一相一
相者則無所有之貌是故舍利弗有所生亦

生

故先八

四

不生無所生亦不生舍利弗言當說無所生
無所生法說有所生無所生法我樂欲聞須
菩提言恣所樂何以故舍利弗所可無所生
法所可有所生法無所樂所問無所生無所
生是諸法亦不合亦不散亦無形不可見不
可得一相一相者則無相舍利弗言所生亦

復無所生所樂亦復無所生法亦無所生所
報亦復無所生如是如是舍利弗諸法皆無
所生何以故五陰無所生六情亦無所生六
性地水火風空識是六性亦無所生身口意
行亦無所生至薩云若亦無所生是故舍利
弗所報亦無所生法因緣樂聞皆無所生舍

利弗言如尊者須菩提爲是法師之上何以故隨所問能發遣何以故於諸法無所依舍利弗問長老須菩提諸法云何無所依答言舍利弗色性空亦不依內亦不依外亦不依兩中間痛想行識性空亦不依內亦不依外亦不依兩中間六情十二衰性空亦不依內外中間六波羅蜜性空亦不依內外中間從內外空至有無空性亦不依內外中間三七品至佛十八法性空亦不依內外中間諸法性皆空者亦不依內外中間舍利弗是故無所依是故行六波羅蜜菩薩能淨五陰至放光八 五 隆云若舍利弗問須菩提云何菩薩行六波羅蜜淨菩薩道答言舍利弗亦有道檀波羅蜜亦有俗檀波羅蜜至般若波羅蜜亦有道亦有俗復問何等爲俗檀波羅蜜何等爲道檀波羅蜜答言菩薩住於布施若有沙門婆羅門若有貧窮疾病刑殘隨其所索城國珍寶衣被飲食妻子眷屬頭目肌肉髓腦骨血

一切所有皆給與之所可與者有所依倚作是念言我與彼受我不嫉他人與言我是施主言我與一切言我隨佛教言我行檀波羅蜜雖作是施與而有所倚所作阿耨多羅三耶三善與衆生共之以是施與欲令衆生於無餘泥洹而般泥洹雖布施有三礙意何等爲三有我想有彼想有施想是爲三礙是爲世俗布施何以故名爲世俗布施以不能離世俗亦不出世俗事故是爲世俗布施何等爲道施以三事淨何等爲三菩薩布施亦不自見亦不見受者不望其報是爲菩薩於三事淨舍利弗菩薩布施施與衆生亦不倚衆生爲阿耨多羅三耶三善亦不見有阿耨多羅三耶三善之兆是爲道檀波羅蜜何以故名道檀波羅蜜道檀波羅蜜者勝出勝於世事故從檀波羅蜜至般若波羅蜜世俗有所依道無所依須菩提言是爲菩薩行六波羅蜜淨菩薩道舍利弗問須菩提何等爲菩薩

摩訶薩道答言三十七品是菩薩摩訶薩道
 空無相無願三脫門內外空乃至有無空諸
 三昧門陀隣尼門佛十種力四無所畏佛十
 八法四無礙慧大慈大悲是為菩薩摩訶薩
 道舍利弗言善哉善哉須菩提是為何等波
 羅蜜功德力須菩提言是般若波羅蜜功德
 力何以故般若波羅蜜者諸善法功德之母
 般若波羅蜜者悉持三乘之法諸過去佛世
 尊皆行般若波羅蜜自致成阿惟三佛當來
 諸佛世尊亦行般若波羅蜜自致成阿惟三
 佛現在十方恒邊沙國諸佛世尊亦行般若
 波羅蜜自致成阿惟三佛須菩提言若聞說
 般若波羅蜜不疑不懼當知是菩薩能行菩
 薩道不捨眾生能為一切眾生作護亦無所
 倚終不離是念所謂大慈大悲之念舍利弗
 復問欲使菩薩不捨大慈大悲之念不離是
 者以為一切眾生皆當為菩薩何以故一切
 眾生終不離是念須菩提讚言善哉善哉舍

葉

放光八

六

利弗我已覺知所識來迹我當受之如眾生
 無所有念亦無所有有無亦無所有如眾生
 寂念亦復寂如眾生空念亦復空如眾生無
 所覺念亦無所覺如五陰無所有念亦無所
 有如五陰無有實如五陰空如五陰寂如五
 陰無所覺當知念亦無所覺眼耳鼻舌身意
 色聲香味細滑法地水火風空識亦亦六波
 羅蜜空內外空至有無空三十七品佛十八
 法陀隣尼門諸三昧門及薩云若薩云若事
 乃至道與念等無所有如道無所覺念亦無
 所覺舍利弗我欲使菩薩不離是行念於是
 世尊讚歎須菩提言善哉善哉為諸菩薩摩
 訶薩說般若波羅蜜行當如是如須菩提所
 言如須菩提承佛威神說般若波羅蜜菩薩
 摩訶薩亦當如是如須菩提所說須菩提說
 是般若波羅蜜品時三千大千刹土六返震
 動前沒後涌前涌後沒八方上下皆悉如是
 佛因是事便笑時須菩提叉手白佛言世尊

葉

放光八

七

何因緣笑佛告須菩提今我說般若波羅蜜
東方恒邊沙不可計諸佛亦為諸菩薩說般
若波羅蜜十方諸如來等正覺無所著亦復
為諸菩薩說般若波羅蜜亦復如是須菩提
說是般若波羅蜜時十二那術億天及人阿
須倫皆得無所從生法忍十方諸佛說般若
波羅蜜時不可計阿僧祇眾生皆發無上正
真道意

放光摩訶般若波羅蜜經無任品第二十八
尔時三千大千刹土諸四天王與無央數億
百千諸天子皆來共會諸釋提桓因與諸無
數億百千諸天皆共來會須焰天子上至首
陀會天其中諸天各各與無數若干億百千
天子皆來共會從四天王至首陀會天諸天
功德光明魏魏雖尔不如世尊最下光明百
千萬倍巨億萬倍諸天光明及閻浮檀寶之
光明悉不現也諸天在佛邊其形體光明如
燒柱是故諸天光明即不復現釋提桓因白

尊者須菩提今是三千大千刹土諸四天王
諸首陀會天欲聽須菩提說般若波羅蜜教
菩薩云何住般若波羅蜜何等為菩薩摩訶
薩般若波羅蜜當云何行般若波羅蜜須菩
提報釋提桓因言拘翼今當承佛威神為諸
菩薩說般若波羅蜜當為菩薩如所應住說
是諸天子未發意者今當應發菩薩心已住
於道檢者力不堪任發阿耨多羅三耶三菩
意何以故為生死界作障隔故假令是輩能
發阿耨多羅三耶三菩意者我亦代其歡喜
從上轉尊我終不中道斷其功德拘翼何等
為般若波羅蜜菩薩摩訶薩當應薩云若意
當念色無常苦空非身老病憂患惱結裁聚
轉變壞敗恐畏闕訟不可恃怙菩薩當念是
亦無所倚痛想行識六情六性皆當念是苦
淨亦無所倚當念五陰淨當念六情六性淨
寂以薩云若意當知從癡有愛習十二因緣
亦無所倚當復念滅癡愛十二因緣得滅眾

茶

卷八

八

苦亦無所倚復次拘翼菩薩摩訶薩以薩云
 若意當念三十七品亦無所倚亦當念乃至
 佛十八法亦無所倚復次拘翼菩薩摩訶薩
 以薩云若意行檀波羅蜜尸波羅蜜羸提波
 羅蜜惟逮波羅蜜禪波羅蜜亦無所倚如是
 拘翼菩薩行般若波羅蜜作是觀故使法法
 相續法法相得皆使具足菩薩於念亦無吾
 我若作異念不應道念拘翼以不等念意於
 道亦不可見亦不可得道無意念意亦不可
 得亦不可見拘翼菩薩行般若波羅蜜當作
 是觀於諸法無所得釋提桓因言耆年須菩
 提云何念意不與道意同云何道意不與念
 意同云何道意念意俱不可得不可得見須
 菩提言拘翼所念意不成意道意亦非意亦
 不成意不持非意念非意念則是非意非意
 亦是意是為菩薩摩訶薩般若波羅蜜於是
 佛歎須菩提言善哉善哉如汝為諸菩薩說
 般若波羅蜜教歡助之意須菩提白佛言惟

世尊我當報恩不得不報恩我當報過去諸
 如來無所著等正覺恩及弟子勸助安立諸
 菩薩等世尊亦時亦學六波羅蜜得阿惟三
 佛世尊我等亦當復勸助安立諸菩薩學六
 波羅蜜亦當使成得阿惟三佛須菩提言拘
 翼聽我說菩薩摩訶薩住般若波羅蜜如住
 亦不住五陰五陰空菩薩菩薩空五陰空菩
 薩空一空無有二拘翼菩薩當作如是住般
 若波羅蜜拘翼六情六情空菩薩菩薩空六
 情空菩薩空等無有異六性六性空菩薩菩
 薩空六性空菩薩空等無有異菩薩摩訶薩
 當作如是於般若波羅蜜當作是住復次拘
 翼十二因緣十二因緣空滅十二因緣滅十
 二因緣空菩薩菩薩空十二因緣十二因緣
 滅空菩薩空一空無有二拘翼菩薩摩訶薩
 於般若波羅蜜當作是住六波羅蜜六波羅
 蜜空內外空及有無空三十七品佛十八法
 諸三昧門陀隣尼門聲聞乘辟支佛乘亦亦

菩薩如來薩云若亦尔菩薩空薩云若空一空無二菩薩於般若波羅蜜當作是住釋提桓因言云何須菩提菩薩摩訶薩不於般若波羅蜜中住須菩提言拘翼菩薩不住五陰有所倚亦不住六情有有所倚不住於六性有所倚從三十七品至薩云若皆不住有所倚

從須陀洹至阿羅漢辟支佛上至佛皆不住有所倚從五陰至薩云若是為不住亦無所倚從須陀洹至佛亦不住有所倚五陰無常不當於中住五陰有常不當於中住五陰苦樂不當於中住淨不淨不當於中住我非我不當於中住空不空不當於中住滅不滅不

當於中住寂不寂不當於中住有所倚須陀洹不具足故不當於中住至佛不具足故不當於中住須陀洹成就德能福一切不當於中住上至佛成就德能福一切不當於中住復次拘翼菩薩初地不當於中住至第十地不當於中住有所倚也從初地言我當具足

檀波羅蜜不當於中住於尸波羅蜜羸提波羅蜜惟逮波羅蜜禪波羅蜜般若波羅蜜不當於中住有所倚我當具足成就三十七品不當於中住有所倚菩薩道不當於中住我從菩薩道至阿惟越致地住不當於中住菩薩具足五通不當於中住有所倚住菩薩神未
卷八
十

通已言我當遊無量阿僧祇佛國見諸佛如來聽受法教已轉復教授一切衆生亦不當於中住有所倚言我亦當變化作如諸佛如來世界所有亦不當於中住有所倚也般若波羅蜜不當於中住有所倚也我當教授衆生至道亦不當於中住我當供養無央數阿僧祇諸佛持諸幢幡香華繒蓋無央數億百千張氎不當於中住我當成就無央數阿僧祇衆生令得阿耨多羅三耶三佛亦不當於中住我當具足五眼肉眼天眼法眼慧眼佛眼亦不當於中住我皆當起諸三昧亦不當於中住亦不當願言我得是三昧時當於中

遊戲亦不當於中住具足陀隣左門不當於中住我當具足四無礙慧四無所畏佛十種力佛十八法亦不當於中住我當具足四等心大慈大悲亦不當於中住我當具足三十二大士之相八十種好不當於中住有所倚也住八輩事成就信要法要不當於中住須

施洹至第七不當於中住斯陀舍十種不當於中住道等不當於中住命終垢盡不當於中住須施洹中道般泥洹不當於中住斯陀舍未斷諸若本不當於中住得阿那含道意不當於中住於阿那含中中道般泥洹不當於中住得阿羅漢證成阿羅漢從是之間於

兼

放光

上

無餘泥洹而般泥洹不當於中住辟支佛不當於中住過羅漢辟支佛至菩薩地不當於中住道事慧不當於中住有所倚也以眾事成阿惟三佛不當於中住從次諸垢消盡不當於中住成如來等正覺無所著當轉法輪不當於中住我當為佛事度不可計一切眾

生不當於中住以四神足於三昧住命恒邊沙劫不當於中住令我壽命無有數故不當於中住於三十二大士之相一相成百福功德不當於中住使我一佛國大如十方恒邊沙佛國不當於中住使我三千大千剎土盡作金剛不當於中住使我佛樹中出香一切眾生聞其香者無有三毒不起聲聞辟支佛意有聞是香者身病意病皆悉除愈令我佛土不聞五陰色痛想行識六波羅蜜之聲不當於中住今我佛國不聞三十七品及十八法不聞須施洹上至佛之聲不當於中住何以故如來無所著等正覺成阿惟三佛於諸法亦無所得如是拘翼菩薩於般若波羅蜜無所倚住今時尊者舍利弗意念菩薩摩訶薩當云何住須菩提知舍利弗意所念便問舍利弗於意云何諸佛為住何所舍利弗報言諸佛無所住不任意有所止亦不於五陰住亦不住於成就亦不住於不成就亦不住

於有爲無爲不住於十八法薩云若有所住
須菩提言菩薩摩訶薩住般若波羅蜜中當
如諸如來無所著等正覺住如不住菩薩當
作是住住無處所住於是會中有天子作是
念諸闍義所語所說悉皆可知尊者須菩提
所說般若波羅蜜教了不可知須菩提知諸

天子意所念語諸天子言不解不知耶諸天
子言今須菩提實不解不知也須菩提語諸
天子言我所說者常不見一字教亦無聽者
何以故般若波羅蜜者非文字亦無聽聞何
以故諸天子諸如來無所著等正覺道亦無
文字諸天子辭如如來化作佛化作四輩弟
子第八作是化已爲說諸法於諸天子意云何是
頗有教有說寧有受者不諸天子言惟須菩
提是無所有須菩提言諸法譬如化亦無說
者亦無受者亦無知者譬如士夫夢中見佛
佛爲說法於意云何有說有受者不諸天子
言無說無受須菩提言諸法如幻無說無受

亦無所有譬如有二人於彼深澗各住一面
俱發音聲讚歎佛法及比丘僧其聲音響寧
展轉相知不諸天子言響無所知譬如絕工
幻師於四衢道化作如來及四輩衆而爲說
法於諸天子意云何寧有說有教有受者不
諸天子報言實無所有諸天子復念今須菩

提敷演般若波羅蜜其事甚深所教轉深所
說轉妙須菩提語諸天子言色亦不深亦不
微妙不以五陰故微妙也六情從內外空及
有無空乃至六波羅蜜佛十八法皆如是諸
三昧門陀隣尼門至薩云若亦不深亦不妙
不以薩云若故深妙諸天子意念是中所說
亦不說五陰六情亦不說六波羅蜜亦不說
內外空及有無空亦不說三十七品佛十八
法亦不說須陀洹道亦不說阿羅漢辟支佛
道亦不說文字是事云何須菩提報言如是
如是諸天子諸如來道者皆無所得亦無所
說第八是故諸法亦無說者亦無聞者亦無受者

亦無得者須菩提言諸天子欲住須陀洹道者取須陀洹證者若住羅漢辟支佛上至佛欲取證者作是住者終不得是忍菩薩從初發意以來無所說無所聞當作是住

放光摩訶般若波羅蜜經如幻品第二十九
尔時諸天子意念我等當云何從須菩提聽

受其教尊者須菩提知諸天子意所念語諸天子言今諸會者觀聽我所說當如幻化人所聽受亦無所受亦無所見亦不作證諸天子言云何須菩提衆生爲如幻化耶來會者亦如幻化耶須菩提言如是如是衆生如幻來會者亦如幻吾我亦復如幻如夢五陰如

幻如化六情識裁如幻如化内外空及有無空如幻如夢三十七品佛十八法如幻如化須陀洹道上至於佛三耶三佛亦復如幻尔時諸天子問須菩提云何乃至佛亦復如幻如夢須菩提言我說至佛亦復如幻若復有法勝於涅槃者我亦復言如幻諸天子夢幻

化是一耳無有二是時舍利弗大目捷連摩訶拘締羅摩訶迦旃延邠耨耨文陀居士大迦葉等與無數菩薩是諸大衆俱問須菩提言般若波羅蜜甚深甚廣難曉難了難見難解誰能過截是者是時阿難語衆弟子諸菩薩言般若波羅蜜者是深妙法甚廣難見難解難了不可思議惟有阿惟越致菩薩摩訶薩具足見諦阿羅漢前出於無央數諸佛所作功德與善知識相隨者善男子善女人有大智慧如是輩人聞深般若波羅蜜乃能信樂終不能過絕不以空分別五陰不以五陰分別空亦不以五陰分別無相無願不以無相無願分別五陰亦不以無所生無所滅分別五陰不以五陰分別無所生無所滅亦不以寂靜分別五陰亦不以五陰分別寂靜乃至六情及諸緣起亦復如是從檀波羅蜜至般若波羅蜜亦復如是從内外空至有無空亦復如是行三十七品至佛十八法亦復如

法勝於涅槃者我亦復言如幻諸天子夢幻

法勝於涅槃者我亦復言如幻諸天子夢幻

是諸三昧門陀隣尼門不以分別五陰不以五陰分別三昧門陀隣尼門從須陀洹至羅漢辟支佛乃至薩云若亦不以分別空不以空分別薩云若亦不以無相無願分別薩云若亦不以薩云若分別無相無願不以具足不具足性分別空不以空分別具足不具足性至無相無願亦復如是不以無所生無所滅分別寂靜不以寂靜分別五陰須菩提語諸天子言是甚深般若波羅蜜極有智者不能遏絕何以故法無有憂者亦無有戚者若無憂無戚衆生亦無能遏絕者舍利弗語須菩提言般若波羅蜜廣說三乘之教及菩薩摠持之教從初發意至十住道地教至六波羅蜜三十七品佛十八法菩薩摩訶薩悉摠持之教是爲菩薩行般若波羅蜜化生也不耗於神通遊諸佛國隨其所欲所作善本供養諸佛即得如願從諸世尊所聽受法至薩云若初不斷絕未曾離三昧皆當爲無所望

礙辯不可斷絕辯如所應辯利辯義辯一切最辯須菩提言如是如是如舍利弗言廣說三乘及菩薩乘大乘菩薩摩訶薩所得最辯亦無所倚亦不倚吾我知見壽命五陰亦無所倚從檀波羅蜜至般若波羅蜜亦無所倚從內外空及有無空亦無所倚十五三十七品佛

十八法至薩云若慧亦無所倚舍利弗言何以故於般若波羅蜜說三乘之教而無所倚何以故說菩薩摠持何以故得最妙之辯而無所倚須菩提言從內空乃至三乘皆從般若波羅蜜教出亦無所倚從外空至有無空廣說三乘之教亦無所倚從內外空所說教及菩薩摠持說一切世間最妙之辯亦無所倚從有無空至菩薩獲一切世間最第一之辯而無所倚也

放光摩訶般若波羅蜜經卷第八 萊八

姑蘇齊門外蠡口東居住奉

佛呂頭神意者為女使施氏千四娘臂疾不安施財刊雕

放光摩訶般若波羅蜜經一卷功德拜薦

先考四五宮義呂公一位

尊竟往生佛界祈福保佑施氏疾病安痊增延福壽者

乙丑歲淳元年孟夏吉日題

放光摩訶般若波羅蜜經卷第九 第九

西晉三藏無羅叉共竺叔蘭譯

雨法品第三十

於是釋提桓因意念言尊者須菩提所說法為雨法兩三千大千刹土從四天王上至阿迦膩吒天各各念言今須菩提所說法兩我等寧可作華散佛世尊及諸菩薩大弟子眾及散須菩提上今時三千大千刹土諸釋提桓因及諸四天王各化作華散佛菩薩及比丘僧及散須菩提上持是供養般若波羅蜜諸天散華應時普遍三千大千國土地無空缺處譬如敷座也虛空中華未墮地者應時

化成華交露臺殊妙嚴事時須菩提意念我數至天上初未曾所見如是華比是諸天子所散華者不從樹生化華耳釋提桓因語須菩提是華非生華亦非意樹華須菩提言如拘翼所言是華亦非生華亦非意樹華拘翼若不生者是為非華釋提桓因語須菩提但是華不生耶五陰亦復不生耶須菩提言是華及五陰俱亦無所生若無使不生為非五陰六情亦無所生為非六情六波羅蜜亦無所生若六波羅蜜不生為非六波羅蜜從內外空至有無空亦不生若不生者為非有無空三十七品佛十八法亦不生若不生者為非十八法至薩云若亦不生若不生者為非薩云若釋提桓因意念言今須菩提辯才深妙乃如是耶隨其所應而為說法無有違背佛告釋提桓因如是如是拘翼須菩提實為深入辯才第一隨其所應而為說法無有違錯釋提桓因白佛言惟世尊云何須菩提隨